


范縣志



新修范縣志叙

歲壬子

上特允輔臣條議纂修天下志書備史館採擇甚盛典也檄下羈國子方分校棘闈未遑寢處因思范邑地隣鄒魯土風淳樸夙稱文獻之邦乃以兵火蹂躪載籍銷亾遂致往者未傳來者莫續深惴

范縣志

霍序

惴懼無以爲

大典光闡旣撤星馳回署急進父老子弟而告之謀所以壽諸梓者幸范生研甄尚存先人遺稿於灰燼之餘爰是借爲矩矱遠稽近詢叅同考異不憚手自校讐拮据兩月詮次脫稿更延名碩學博李君鄉貢士薛君輩互相訂正及一



粉飾鋪張之具務崇根本務從簡樸
庶一邑常變盛衰之故可以備採風者
覽焉然予於此而懼益甚矣夫邑之有
志猶國之有史家之有譜也凡綱常名
教之大日用飲食之微地異宜而俗異
尚事變無常紛沓雜出而究其指歸莫
不各有當然之則以合於天理民彝之

公家國天下理無二致而事無殊途也
然事以文載文以志存古來樹旂常銘
鐘鼎者勲名非不赫奕而要之有道德
然後有事功有事功然後有文章考之
舊乘其間懷瑾握瑜之彥以及敦行踐
履之儒莫不德重當時而道垂後禩功
隆一代而事足千秋志所由以不朽也

是故誌者志也志其事不若志其所以
事志其文不若志其所以文則作志者
以近今之耳目而欲包舉囊括上尋古
人制作之精意下啟後人紹述之深衷
按圖索驥知必不得之數也予實懼茲
甚惟是范藪爾一邑東接秦岱南連淮
泗西距天雄北通燕趙其地亦水陸四

塞之衝常變之際盛衰因之故舊志山
川城郭土地人民各表勝槩而一自河
水陸沉寇氛蕩析昔之所謂土峙而川
流者今且培塿而涔蹄矣昔之所謂重
門而擊柝者今且蹊徑而交加矣昔之
林林總總腴禩耕而千耦耘者今且僅
餘數姓子遺於水火盜賊之後披草萊

斬蓬藿嗷嗷哀鳴之未定矣問疲瘞何以起問疾痛何以甦問元氣何以復卽繪監門鄭俠之圖亦不足以盡范民流離困頓之狀而顧乃粉飾鋪張夸大其事以云文則得矣上之太史其何以慰賈太傅之痛哭流涕而仰副

聖天子軫念民瘼之意哉予不敏未敢言

文亦未敢言志亦惟據事直書輒反覆於常變盛衰之故而事事務求夫當然之則讀者或以爲鄭俠之圖則可而以爲范志猶未也

康熙十一年歲次壬子冬十二月朔
賜進士出身前廣西柳州府推官改授
范縣知縣霍之珩謹叙

新修范縣志序

朝廷有史所以載政治得失之蹟郡縣有志所以記風土人物之異一方之志卽一方之史也褒貶始乎春秋著作首推龍門蓋取乎能公能斷不失其真是真非實足爲後世之法戒焉斯爲善史者矣而作志者亦如之邑有形勝則名

范縣志

黃序

山大川足爲遊覽者可志而卑阜線流不必志也邑有鄉賢則忠孝廉節足爲崇祀者可志而希寵邀榮不必志也邑有名宦則美政奇績有裨民社者可志而剽名竊譽不必志也邑有貞烈則殉夫殺身有關風化者可志而小節微長不必志也至于城池沿革星野灾祥與

夫田賦戶口物產風俗之屬不妨條分
縷析纖微必載以備一邑之盛槩焉此
修志之大畧也范邑素有志書自經火
焚水啗之後城郭已非人民烏散其鴻
文寶章久與秦灰俱燼黃流共湮矣當
事者唯憂土滿過都者遑問邑乘卽間
有欷歔憑吊追維往昔又安能起蒼頡

而問所從來哉余於尺地莫有一民無
存之日來粒茲土經營十載艱苦備嘗
其間風土之美惡紳士之賢否與夫生
禍釀亂之由民窮盜起之故以及官吏
士民身受屠戮覆宗絕祀僅存十千
千百者雖曰天運使然哉蓋亦人事之
失居多焉極欲編輯成帙以昭范邑遭

禍之慘實由某某爲致禍之人垂戒來
許自忖遼海鄙人才乏班馬識愧董狐
雖有真是真非之心亦不敢謬托作者
之林以貽文獻羞迄今二十餘載幸遇
雲中霍君來尹是邑志存復古力足繼
今於政事之餘爰取舊志而纂修之以
淹貫諸史之學大彰善瘴惡之義吾知

宜詳者詳宜畧者畧必不因風聞之虛
跡而妄加褒美亦不緣子弟之請託而
濫入傳文廣搜舊章博詢逸老務存真
是真非期垂爲法爲戒則褒貶繼美於
春秋著作嗣徽於龍門光復舊章主持
風教微君其誰與余披讀抄本不禁手
額而輟然曰范有此志范有信史可徵

而余昔宰范未竟之心亦藉以大快矣
雖然有邑志而後有郡志省志奏合而
成國史孰謂郡縣之志非

朝廷之史所關哉余故不辭鄙俚之誦而
敬爲之序云

皆

康熙十一年歲次壬子仲冬之吉

范縣志

黃序

中憲大夫知河南開封府事黃標謹序

舊志序

在昔郡國置州邑以表相錯如繡之義范在勝國以前幅員時廣時狹多隸濮屬國朝既定東郡仍以其邑隸濮余濮產也時放廢田間舍置雕蟲悉心方輿之備時搜覽郡乘而范之梗概十得一二焉再檢州志而范之梗概十得二三焉至一邑全乘則未有覩也余反覆嘆曰烏有一邑而可無志也聞之故老曰范雖最邑往固有志百餘年來登甲第而樹旂常者落落星晨當事者懼無以光竹素而爛翻人口吻是以殘缺者久之夫志以綜事實齊耳目推是非而昭勸懲固一郡一邑之史也彰往憲來藉爲尸鑑

范縣志

卷之上

舊序

是豈小物也乎哉以余徵之周官職方氏掌天下之圖辨其人民與其財用周知其利害使同貫利以故所書不止田賦高下之異等墳墟犁赤之異壤九鎮九澤之異名而五戎八蠻之異服至于條蕩箇箠淮濱江龜海錯之織無微不至載何若是之弗嫌于細也蓋苟有切于利器用而阜民生辨陰陽而洪孳息則固不得以其穢褻而畧焉而況其重且大者乎若今世之所謂志則文而已矣其叙山川也既無關於險夷瀦洩之用而其載風俗也亦無與觀民省方之寔至于壤則賦額民數率多闕畧而儼佛之廬臺榭之廢址達官貴人之墟墓辭人流連光景之作滿紙而

是稱良史矣于以上之周官果有當焉否范爲齊魯之
擁衛之上游名小而民易畜地僻而俗尚健以故濮之
邑曰觀國曰武陽而范寔爲北門舊雖有志而年遠遺
文獻蔑徵後有作者安所覩一邑之實錄而備攷覈也
薛侯來蒞茲邑甫下車卽計永久觀茲廢典毅然爲修
舉每手藉邑乘于凡所載田賦徭役戶口食貨謠俗土
阜民守圉之源委本末節錯絲棼皆其所嘗蚤夜殫厥
力者于是以其精神思慮之所及登之掌故至于纂緝
編則以屬之別駕范君廣文趙君二君以其國史之餘
而推之以成一邑之史故其所載煩簡刪存獨得侯之所

范縣志

卷之上

舊序

二

用心而著之以爲後來治邑者之所據準會侯以才望
等兼攝吾濮而殺青之役適竟厥成乃憑式問序于予予
受而卒業始快然觀一邑之全至其的然當于實用而不
取辦于文具則又儼然若穩于侯而受之矣語曰不習爲
吏視已成事又曰前事不忘後事之師也前人以其所用
心而著之于志後人因其所志而得前人所用心而守之
是以治道能常興而不隳余欲使後之爲范者因侯之所
爲志而知所用心而守之而侯且造范無已時也雖然討
典稽常以告有土侯今日責也至其博物閱覽爛于文辭
宏才朗識優于政事而品標清貞丰猷瑋卓有非政事文

學所能概者茲益其一班云侯謙之屏字爲憲陝西韓城
縣人時萬曆歲在癸丑孟冬上浣之吉賜同進上出身承
德郎兵部職方清吏司主事濮陽桑學夔謹序

舊志序

夫國有史郡邑有志所以存故實開來禮紀美惡昭勸戒
也星野不辨疆域不分人文不著湮滅無稱盛德弗傳潛
光終埋豈先王採風狗俗之遺意哉故學者載籍極博猶
考信于史傳黃虞而下世遠人朽其已事可按而稽也信
信疑疑志可少乎哉志可忽乎哉吾濮之范邑古昆吾地
代變不一志足徵焉古范舊有志日久殘缺且後之錢穀

范縣志

卷之上

舊序

三

損益人物崛起不可不紀關中薛公視是邑蓋有櫬于中
矣托邑之長年洽聞者別駕范君廣文趙君重修之志成
乃委余叙其端余非玄晏何能効三都之役然無徵不信
余竊懼焉敢辭不文乎蓋聞史有三長志亦宜然匪博則
掛漏必多匪識則取舍弗當匪才則議論或舛將何以信
今而傳後耶是編也其于山川之形勝世代之沿革陵谷
之變遷星辰之分野載之詳矣范氏世族晉國賴之薛鎰
寬仁邑人祀焉閔子遺丘壠之僅存季路修詩書而曰米
孟子有過化之跡曹植有釋愁之賦伯桃烈十張如向風
處若賢哲之遺芳而詞人俠士之餘響也至于錢穀尤爲

最要者夷考高唐之敝賦遺累于濮蒞而今日之賦稅煩
重益滋范人之苦遺編既存後有復古者一覽觀焉將景
行往哲修明故典釐正賦役一切洗陋還淳實式馮之假
如實沈臺駘之類亦可爲博古者之一資矣它日備史氏
之闕尚亦有所稽焉此志豈徒然哉它不具述其博耶識
耶才耶握筆者兩君可謂兼此三長矣總裁兩成之實惟
我薛公之長也其于政也亦然宣展運用匪力弗達則加
于志矣况飭學宮作士類修廢舉墜公之功居多則此志
非公之苦心而誰之能耶公之治邑賢攝郡賢固其才之
有餘裕者宜其受知當事而表表東海也異日增修是編
范縣志

卷之上

舊序

四

者公必繼前薛公而咏甘棠矣敢因叙志而併及之時萬
曆歲次癸丑冬十月吉日賜進士第中大夫前奉勅整飭
睢陳等處兵備兼分巡道河南布政使司右叅政兼按察
司僉事濮陽蘓光泰頓首拜撰

舊志序

范縣志修於嘉靖十四年梓之久矣山川疆域雖不改觀
至于人事新集制作新備者未始有旣也比今逾八十餘
年漫無紀述是豈可仍舊而已哉萬曆庚戌邑大夫薛侯
下車明年刑清政簡士悅民和凡邑之耆碩縉紳及諸庠
彥靡不沾渥澤服雅化而畏明威也旣政務之暇取縣志

而闕之嘆曰志者文獻之徵後之觀今亦猶今之觀昔茲
脫畧若此後將奚觀隨進邑之耆碩縉紳及諸庠彥曰爾
范雖彈丸小邑哉葢粵在春秋爲子路負米之鄉其在戰
國爲孟子過化之地歷漢唐宋元以逮我皇明之朝三千
餘年而其山川勝槩前代遺跡至于詩文之可傳者與夫
科貢人材職官賢否雖載在舊乘第歷世旣遠不唯字義
磨滅而中間事跡不無訛謬遺亾小得大失之病乎茲欲
傳之永遠殊非所以昭往而示來也後之人賢賢焉誰其
適從又何知所勸懲焉于是萬曆癸丑孟春侯不以汶爲
衰鄙卽以志事見屬汶竊念謏才衰朽何敢當此述作大
范縣志

卷之上

舊序

五

典哉辭之弗獲廼援筆編摩仍舉廣文趙君民懷號樂山
者素有宏才健筆又耆年卓識不佞相與披闔史傳搜羅
見聞稽古訂今秉以至公而一毫作好作惡之私弗與焉
甫及三月餘而志藁脫矣其間或沿其前志之正或刪其
舊聞之訛或補其昔之所未詳或增其今之所未入事以
門分人以類聚井井然莫不各得其當庶幾哉一邑史也
于是爲卷者四爲目者三十有九爲附目者凡十一汶等
因呈諸公庭侯見而韙之遂捐俸金簡胥吏謄錄尋命工
鈔梓開局于初夏訖事于秋末凡三閱月而書告成矣時
惟僉謂予有序以跋于後予雖昏耄不文第蒙我侯之惠

愛良多詎敢以衰朽辭哉輒不避陋劣述其序曰嗟乎志之作豈徒侈文軌資博洽爲耶志沿革建置則興廢志山川形勝則感慕興志戶口田賦則息耗明志軍政則經畫精志官師宦蹟則臧否昭志選舉人物則勸懲行志學校則教養舉志風俗則美惡係志祀典則功德志災異則恐懼生志藝文則述作備志王言則宗祧榮志橋梁寺觀與夫陵墓土產纖細靡悉皆可考而鏡也未一襍述者所以正疑而傳信務詳而忌畧又防奸而杜漸其意也至廼廣搜源委考覈精華盛粉澤之具後鉛素之則又博物洽聞之彥摘華採藻之工者能之是非予之所

范縣志

卷之上

舊序

六

及也予雖不敏固竊耻之比于前志亦相懸矣猗歎盛哉八十年來所未有之典爰至我侯廼雅意重修可謂千載奇逢有功于范之士民也大矣雖然是書之成傳示永久使一邑文獻足徵而人不視之爲荒土我侯實知其所先務者也非特范邑一時之幸亦范邑千載之幸也爰綴末簡以告後之司茲土者時萬曆四十一年癸丑望日陝西慶陽府通判八十八歲邑人治生范汶沐手謹序

新修范縣志姓氏

皇清康熙十一年歲次壬子

賜進士出身文林郎前廣西柳州府推官裁缺

改授 范縣知縣雲中霍之瑄

論定

儒 學 訓導新泰李簡身

同撰

貢 生薛應康

校閱

蔣柱東

李貞吉

胡士楷

馬振宗

同閱

邑庠廩生

石堯欽

范縣志

卷之上

姓氏

范研甄

鄭丕祥

宋麟

范含光

孫日擴

張懋

范含元

范志謙

范嗣淹

李鳳翔

採輯

舊志姓氏 明 嘉慶四年歲次 亥 亥

弘治壬戌 儒學教諭周 弼 遺稿

陝西慶陽府通判邑人范 汝 編次

直隸五河縣訓導邑人趙民懷 同編

范縣知縣 陝西韓城薛之屏 重修

儒 學 教 諭董時儀

訓 導成于教

薛承沂 同閱

邑庠廩生曹 華

范冲然

范縣志 卷之上 姓氏

丁 顯

蔣其進

係景蒼 同校